



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Spes & Fiducia, Cvrис Ivdiciisqve Dei, Erga Homines In Hac
Vita Existentes, Firmata**

Stengel, Georg

[S.I.], 1645

§. 1. Diuites à Deo inanes dimitti.

[urn:nbn:de:hbz:466:1-49823](#)

§. I.

Divites à Deo inanes dimitti.

Isa. 5. 10.

Psal. 58. 7.

Dictores, vt lucidis coloribus gratiam addant, eosque faciant eminentiis clarescere, illos colores juxta ponunt, qui habent obscuritatem. Ita Deus inimicos suos, in ipsa copia, subinde penuria afflitit, vt cura illius & amor tanto fiat illustrior, quando paternè prospicit amieis. Auaris, & voluptuarijs, ventrēmque magis, quam Numen curantibus ita minatur. *Decem jugera vinearum facient lagunculam unam, & triginta modij sementis facient modios tres: Vae qui consurgitis manè ad ebrietatem sectandam, & potandum usq; ad vesperram, ut vino astuetis. Cithara, & lyra, & tympanum, & tibia, & vinum in coniuījs vestris: & opus Domini non respicitis, nec opera manus eius consideratis. Propterea captiuus ductus est populus meus, quia non habuit scientiam, & nobiles eius interierunt fame, & multitudo eius siti exaruit.* His etiam in Psalmo prædictitur. *Et famem patientur, ut canes.* Nam, et si sint diuites, et si abundant, tamē potest eos diuina vindicta ad incitas redigere; & è Crœsis Iros facere. Quin multi, præ avaritia, quò plus habent, minùs audent comedere

aut

aut bibere, malunt enim stomachum, quam loculum inanem circumferre. Quin & illi ipsi, qui in vino & epulis commorantur, nunquam gulam ingluuiemque suam explēt. Quò vina plus bibuntur, plus sitiūtur. Hinc helluones, hinc gurgites vocātur; hinc, tanquam canes importuni, semper mensas allatrant alienas, umbræ non conuiuæ; nec socij, sed parasiti; ollares amici, non ad aram, sed ad mensam venire parati.

§. II.

Esurientes impleri bonis à Deo.

Aliter agit cum seruis suis Deus; qui *non* Proe. 10.
affliget fame animam justi. Cui, apud Iob, di- 3.
 citur: *In fame eruet te de morte, & in bello de
 manu gladij. A flagello linguae absconderis, & no
 timebis calamitatem, cum venerit. In vastitate
 & fame ridebis, & bestias terræ non formidabis.*
 Hoc est, quod dicitur: *Ecce oculi Domini su- Ps. 32. 18.
 per metuentes eum, & in eis, qui sperant super
 misericordia ei⁹. Ut eruat à morte animas eorum:*
& alat eos infame. Ac rursus: *Nouit Domi- Ps. 36. 18.
 nus dies immaculatorum: & hereditas eorum
 in æternum erit. Non confundentur in tempore
 malo, & in diebus famis saturabuntur, quia pec-
 catores peribunt.* Non enim in Domino, sed
 in Mundo spem suam ponunt; qui autem de